

增壹阿含經

才四十一

二百六十九  
如十

49450



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置





增壹阿含經卷第四十

如

符秦建元年三藏曇摩難提譯

九衆生居品第四十四

聞如是一時佛在舍衛國祇樹給孤獨園介  
時世尊告諸比丘有九衆生居處是衆生所  
居之處云何爲九或有衆生若干種身若干  
種想所謂天及人也或有衆生若干  
想所謂梵迦夷天最初出現也或有衆生  
身若干想所謂光音天也或有衆生一身  
想所謂遍淨天也或有衆生無量空空處天  
也或有衆生無量識識處天也或有衆生不  
用處不用處天也或有衆生有想無想處有





想無想處天也諸所生之處名爲九也是謂  
比丘九衆生居處群萌之類曾居已居當居  
是故比丘當求方便離此九處如是諸比丘  
當作是學今時諸比丘聞佛所說歡喜奉行  
聞如是一時佛在舍衛國祇樹給孤獨園介  
時世尊告諸比丘當說觀願有九種德汝等  
善思念之吾今當敷演其義是時諸比丘受  
佛教戒佛告比丘彼云何名爲觀願九種之  
德比丘當知檀越施主成就三法所施之物  
亦成就三法受物之人亦成就三法彼檀越  
施主云何成就三法於是檀越施主信成就  
誓願成就亦不殺生是謂檀越施主成就此

三法所施之物云何成就三法於是施物色  
成就香成就味成就是謂施物三事成就云  
何受物之人成就三事於是受物之人戒成  
就智慧成就三昧成就是謂受施之人成就  
三法如是達嚩成就此九法獲大果報至甘  
露滅盡之處夫為施主欲求其福者當求方  
便成就此九法如是比丘當作是學尔時諸  
比丘聞佛所說歡喜奉行

聞如是一時佛在舍衛國祇樹給孤獨園尔  
時世尊告諸比丘為成就九法云何為九強  
顏耐辱貪心慳著心念不捨離健忘少睡隱  
匿姪姓無有返復為九是謂比丘為成就此



九法惡比丘亦復成就九法云何爲九於是  
惡比丘強顏耐辱貪心慳著健忘少睡姪姪  
隱匿亦無返復念不捨離爲九云何惡比丘  
強顏於是惡比丘不應求者而求之違沙門  
之行如是比丘名爲強顏云何惡比丘耐辱  
於是惡比丘在諸賢善比丘所自稱歎說毀  
訾他人如是比丘名爲耐辱云何比丘生貪  
心於是比丘見他財物皆生貪心此名爲貪  
也云何比丘慳著於是比丘所得衣鉢不與  
人共恒自藏舉如是名爲慳著云何比丘健  
忘於是惡比丘恒多漏失妙善之言亦不思  
惟方便論說國事兵戰之法如是惡比丘成

就此健忘去何惡比丘少於睡眠於是惡比  
丘所應思惟法而不思惟如是惡比丘少於  
睡眠云何惡比丘匿處婬姝於是惡比丘所  
爲隱匿不向人說我今所行勿令人知如是  
比丘所爲隱匿婬姝云何惡比丘無有返復  
於是惡比丘無恭敬之心不奉事師長尊敬  
貴重之人如是惡比丘無有返復若惡比丘  
成就此九法念不捨離者終不成道果是故  
比丘諸惡之法念當捨之如是比丘當作是  
學爾時諸比丘聞佛所說歡喜奉行  
聞如是一時佛在舍衛國祇樹給孤獨園介  
時世尊告諸比丘孔雀鳥成就九法云何爲



九於是孔雀鳥顏貌端正音響清徹行步庠  
序知時而行飲食知節常念知足念不分散  
少於睡眠亦復少欲知於返復是謂比丘孔  
雀之鳥成此九法賢哲比丘亦復成就九法  
云何為九於是賢善比丘顏貌端正音響清  
徹行步庠序知時而行飲食知節常念知足  
念不分散少於睡眠亦復少欲知於返復云  
何賢善比丘顏貌端正所謂彼比丘出入行  
來進止之宜終不失叙如是賢善比丘顏貌  
端正云何比丘音響清徹於是比丘善別義  
理終不錯亂如是比丘音響清徹云何比丘  
行步庠序於是比丘知時而行不失次叙又



知可誦知誦可習知習可默知默可起知起  
如是比丘知於時節云何比丘知時而行於  
是比丘應往即往應住即住隨順聽法如是  
比丘知時而行云何比丘飲食知節於是比  
丘所得遺餘與人共分不惜所有如是比丘  
飲食知節云何比丘少於睡眠於是比丘初  
夜時習於警寤習三十七品無有漏脫恒以  
經行卧覺而淨其意復於中夜思惟深奧至  
後夜時右脇著地脚脚相累思惟計明之想  
復起經行而淨其意如是比丘少於睡眠云  
何比丘少欲知於返復於是比丘承事三尊  
奉敬師長如是比丘少欲知於返復如是賢

善比丘成就九法今此九法當念奉行如是  
比丘當作是學尔時諸比丘聞佛所說歡喜  
奉行

聞如是一時佛在舍衛國祇樹給孤獨園尔  
時世尊告諸比丘女人成就九法繫縛男子  
云何為九所謂歌舞伎樂笑啼常求方宜自  
以幻術顏色形體計尔諸事中唯有更樂縛  
人最急百倍千倍終不相比如我今日觀察  
諸義更樂縛人最急無出是者隨彼男子繫之  
牢固也是故諸比丘當念捨此九法如是比  
丘當作是學尔時諸比丘聞佛所說歡喜奉行  
聞如是一時佛在優迦羅竹園中與大比丘



衆五百人俱尔時世尊告諸比丘我今與汝  
當說妙法初善中善竟善善義理深邃清淨修  
行梵行此經名曰一切諸法之本汝等善思  
念之諸比丘對曰如是世尊是時諸比丘從  
佛受教佛告之曰彼云何名爲一切諸法之  
本於是比丘凡夫之人不覩賢聖之教亦不  
寶護如來言教不親近善知識不受善知識  
言教彼觀此地如實知之此是地如審是地如  
實是地亦復是水亦復是火亦復是風四事  
合以爲人愚者之所娛樂天自知爲天樂於  
天中梵天自知爲梵天大梵自知爲大梵無  
能出者光音天還自相知由光音天來遍淨

天自知為遍淨天果實天自知為果實天而  
不錯亂阿毗耶陁天自知為阿毗耶陁天空  
處天自知為空處天識處天自知為識處天  
不用處天自知為不用處天有想無想處天  
自知為有想無想處天見者自知為見聞者  
自知為聞欲者自知為欲智者自知為智一  
類自知為一類若干類自知為若干類悉具  
足自知為悉具足涅槃自知為涅槃於中而  
自娛樂所以然者非智者之所說也若聖弟  
子往覲聖人承受其法與善知識從事恒親  
近善知識觀此地種皆悉分明知所來處亦  
不著於地無有汙染之心水火風亦復如是



人天梵王光音遍淨果實阿毗耶陁天空處  
識處不用處有想無想處見聞念知一種若  
千種乃至於涅槃亦不著於涅槃不起涅槃  
之想所以然者皆由善分別善觀察若彼比  
丘漏盡阿羅漢所作已辦捨於重擔盡生死  
原本平等解脫彼能分別地種都不起想著  
地種人天梵王乃至有想無想處亦復如是  
至於涅槃不著涅槃不起涅槃之想所以然  
者皆由壞姪怒癡之所致也比丘當知如來  
至真等正覺善能分別於地亦不著於地種  
不起地種之想所以然者皆由破壞愛網之  
所致也因有有生因生有生老死皆悉除盡

是故如來成最正覺佛說此語是時諸比丘  
不受其教所以然者由魔波旬閉塞心意故  
此經名曰一切諸法之本我今具足說之諸  
佛世尊所應修行我今已具足施行汝等當  
念閑居樹下端意坐禪思惟妙義今不為者  
後悔無益此是我之教誡也尔時諸比丘聞  
佛所說歡喜奉行

聞如是一時佛在羅閱城迦蘭陁竹園所與  
大比丘衆五百人俱尔時羅閱城中有一比  
丘身遇疾病至為困悴卧大小便不能自起止  
亦無比丘往瞻視者晝夜稱佛名号云何世  
尊獨不見愍是時如來以天耳聞彼比丘稱  
怨喚呼投歸如來尔時世尊告諸比丘吾與  
汝等悉案行諸房觀諸住處諸比丘對曰如



怨喚呼投歸如來。爾時世尊告諸比丘。吾與汝等悉案行諸房。觀諸住處。諸比丘對曰。如是世尊。是時世尊與比丘僧前後圍遶諸房間。案行。爾時病比丘遙見世尊來。即欲從座起而不能自轉。搖是時如來到彼比丘所而告之曰。止止。比丘勿自動轉。吾自有座具足。得坐。爾是時毗沙門天王知如來心中所念。從野馬世界沒來。至佛所頭面禮足。在一面立。是時釋提桓因知如來心中所念。即來至佛所。梵天王亦復知如來心中所念。從梵天沒來。至佛所頭面禮足。在一面坐。時四天王知如來心中所念。來至佛所頭面禮足。在一

面立是時佛告病比丘曰汝今患苦有損不  
至增乎比丘對曰弟子患苦遂增不損極為  
少賴佛告比丘瞻病人今為所在何人來相  
瞻視比丘白佛言今遇此病無人相瞻視也  
佛告比丘汝昔日未病之時頗往問訊病人  
乎比丘白佛言不往問訊諸病人也佛告比丘  
汝今無有善利於正法中所以然者皆由不  
往瞻視病故也汝今比丘勿懷恐懼當躬供  
養令不有乏如我今日天上人中獨步無侶  
亦能瞻視一切病人無救護者與作救護盲  
者與作眼目救諸病人是時世尊自除不淨  
更與敷坐具是時毗沙門天王及釋提桓因



白佛言我等自當瞻此病比丘如來勿復執  
勞佛告諸天曰汝等且止如來自當知時如  
我自憶昔日未成佛道修菩薩行由一鴿故  
自投命根何況今日已成佛道當捨此比丘  
乎終無此處又釋提桓因先不瞻此病比丘  
毗沙門天王護世之主亦不相瞻視是時釋  
提桓因及毗沙門天王皆默然不對余時如  
來手執掃帚除去汙泥更施設坐具復與浣  
衣裳三法之床扶病比丘令坐淨水沐浴又  
諸天在上以香水灌之是時世尊沐浴比丘  
已還坐床上手自授食余時世尊見比丘食  
訖除其鉢器告彼比丘曰汝今當捨三世之

病所以然者比丘當知生有處胎之厄因生  
有老夫爲老者形羸氣竭因老有病夫爲病  
者坐卧呻吟四百四病一時俱臻因病有死  
夫爲死者形神分離往趣善惡設罪多者當  
入地獄刀山劍樹火車爐炭吞飲融銅或爲  
畜生爲人所使食以芻草受苦無量復於不  
可稱計無數劫中作餓鬼形身長數十由旬  
咽細如鍼復以融銅而灌其口經歷無數劫  
中得作人身榜笞拷掠不可稱計復於無數  
劫中得生天上亦經恩愛合會又遇恩愛別  
離欲無厭足得賢聖道爾乃離苦今有九種  
之人離於苦患云何爲九所謂向阿羅漢得



阿羅漢向阿那含得阿那含向斯陀含得斯  
陀含向須陀洹得須陀洹種性人爲九是謂  
比丘如來出現世間甚爲難值人身難得生  
正國中亦復難遭與善知識相遇亦復如是  
聞說法言亦不可遇法法相生時時乃有比  
丘當知如來今日現在世間得聞正法諸根  
不缺堪任聞其正法今不慙懃後悔無及此  
是我之教誡尔時彼比丘聞如來教已熟視  
尊顏即於座上得三明漏盡意解佛告比丘  
汝已解病之原本乎比丘白佛我已解病之  
原本去離此生老病死皆是如來神力所加  
以四等之心覆護一切無量無限不可稱計

身口意淨是時世尊具足說法已即從座起  
而去尔時世尊告阿難曰汝今速打捷槌諸  
有比丘在羅閱城者盡集普會講堂是時阿  
難從佛受教即集諸比丘在普日講堂前白  
佛言比丘已集唯願世尊宜知是時尔時世  
尊往至講堂所就座而坐尔時世尊告諸比  
丘汝等學道爲畏國王盜賊而出家乎比丘  
信堅固修無上梵行欲得捨生老病死憂悲  
苦惱亦欲離十二牽連諸比丘對曰如是世  
尊佛告諸比丘汝等所以出家者共一師同  
一水乳然各各不相瞻視自今已後當展轉  
相瞻視設病比丘無弟子者當於衆中差次



使看病人所以然者離此已更不見所施之  
處福勝視病人者其瞻病者瞻我無異尔時  
世尊便說斯偈

設有供養我 及過去諸佛 施我之福德  
瞻病而無異

尔時世尊說此教已告阿難曰自今已後諸  
比丘各各當相瞻視若復比丘知而不為者  
當案法律此是我之教誡尔時比丘聞佛所  
說歡喜奉行

聞如是一時佛在舍衛國祇樹給孤獨園尔  
時世尊告諸比丘有九種人可敬可貴供之  
得福云何為九所謂向阿羅漢得阿羅漢向

阿那含得阿那含向斯陀含得斯陀含向須  
陀洹得須陀洹種性人爲九是謂比丘九種  
之人供之得福終無耗減尔時諸比丘聞佛  
所說歡喜奉行

聞如是一時佛在羅閱城迦蘭陀竹園所與  
大比丘衆五百人俱是時滿呼王子往至世  
尊所頭面禮足在一面坐是時滿呼王子白  
世尊言我曾聞朱利槃特比丘與盧迦延梵  
志共論然此比丘不能荅對我又曾聞如來  
弟子衆中諸根闇鈍無有慧明出此比丘上  
者如來優婆塞中在居家者迦毗羅衛城  
中瞿蜜釋種諸根闇鈍情意閉塞佛告王子



曰朱利槃特比丘有神足之力得上人之法  
不習世間談議之宜又王子當知此比丘者  
極有妙義是時滿呼王子白世尊言佛所說  
雖尔然我意中猶生此念云何有大神足而  
不能與彼外道異學而共論議我今請佛及  
比丘僧唯除朱利槃特一人是時世尊默然  
受請是時王子已見世尊受請即從座起頭  
面禮世尊足遶佛三帀便退而去即其夜辦  
種種甘饌飲食敷好坐具而白時到今正是  
時爾時世尊以鉢使朱利槃特比丘捉在後  
住將諸比丘衆前後圍遶入羅閱城至彼王  
子所各次第坐爾時王子白世尊言唯願如

來手授我鉢我今躬欲自飯如來佛告王子  
曰今鉢在朱利槃特比丘所竟不持來王子  
白佛言唯願世尊遣一比丘往取鉢來佛告  
王子汝今自往取如來鉢來尔時朱利槃特  
比丘化五百華樹其樹下皆有朱利槃特比  
丘坐尔時王子聞佛教已往取鉢遙見五百  
樹下皆有朱利槃特比丘於樹下坐禪繫念  
在前無有分散見已便作是念何者是朱利  
槃特比丘是時滿呼王子即還至世尊所而  
白佛言往彼園中均是朱利槃特比丘不知  
何者是朱利槃特比丘佛告王子曰還至園  
中最在中央任而彈指作是說其實是朱利



槃特比丘者唯願從座起是時滿呼王子受  
教已復至園中在中央立而作是說其實是  
朱利槃特比丘者便從座起王子正作是語  
已其餘五百化比丘自然消滅唯有一朱利  
槃特比丘在是時滿呼王子共朱利槃特比  
丘至世尊所頭面禮足在一面立尔時滿呼

王子白佛言唯願世尊今自悔責不信如來  
言教此比丘極有神足有大威力佛告王子  
曰聽汝懺悔如來所說終無有二又此世間  
有九種人周旋往來云何爲九一者豫知人  
情二者聞已便知三者觀相然後乃知四者  
觀察義理然後乃知五者知味然後乃知六

者知義知味然後乃知士者不知義不知味  
八者學於思惟神足之力九者所受義甚是  
爲王子九種之人出現世間如是王子彼觀  
相之人於八人中最爲第一無過是者今此  
朱利槃特比丘習於神足不學餘法此比丘  
恒以神足與人說法我今阿難比丘觀相便  
知豫知人情知如來須是不用是亦知如來  
應當說是離是皆悉分明如今無有出阿難  
比丘者上博攬諸經義靡不周遍又此朱利  
槃特比丘能化形作若干形復還合爲一此  
比丘後日當於虛空中取滅度吾更不見餘  
人取滅度如阿難比丘朱利槃特比丘之比



也是時佛復告諸比丘曰我聲聞中第一比丘變化身形能大能小無有如朱利槃特比丘之比是時滿呼王子手自斟酌供養衆僧除去鉢器更取小座在如來前叉手白世尊言唯願世尊聽朱利槃特比丘恒至我家隨其所須衣被雜物沙門之法盡在我家取之當盡形壽供給所須佛告王子汝今王子還向朱利槃特比丘懺悔躬自請之所以然者非智之人欲別知智者此事難遇欲言智者能別有智之人可有此理耳是時滿呼王子即前向朱利槃特比丘禮自稱姓名求其懺悔大神足比丘生意輕慢自今已後更不敢

犯唯願受懺悔更不敢犯朱利槃特比丘報  
日聽汝悔過後莫復犯亦莫復誹謗賢聖王  
子當知其有衆生誹謗聖人者必當墮三惡  
趣生地獄中如是王子當作是學尔時佛與  
滿呼王子說極妙之法勸發令喜即於座上  
演此呪願

祀祠火為上

經書頌為最

人中王為尊

衆流海為首

星中月為先

光明日第一

上下及四方

諸所有形物

天及世間人

佛者最為尊

欲求其福者

供養三佛業

尔時世尊說此偈已即從座起是時滿呼王  
子聞佛所說歡喜奉行



聞如是一時佛在舍衛國祇樹給孤獨園爾  
時阿難白世尊言所謂善知識者即是半梵  
行人也將引善道以至無爲佛告阿難勿作  
是言言善知識者即是半梵行人所以然者  
夫善知識人即是全梵行人與共從事將視  
好道我亦由善知識成無上正真等正覺以  
成道果度脫衆生不可稱計皆悉免生老病  
死以此方便知夫善知識人全是梵行人也  
復次阿難若善男子善女人與善知識共從  
事者信根增益聞施慧德皆悉備具猶如月  
欲盛滿光明漸增倍於常時此亦如是若有  
善男子善女人親近善知識信聞念施慧皆

悉增益以此方便知其善知識者即是全梵  
行人也若我昔日不與善知識從事終不為  
錠光佛所見授決也以與善知識從事故得  
為與提和竭羅佛所見授決以此方便知其善  
知識者即是全梵行人也阿難若當世間無  
善知識者則無有尊卑之叙父母師長兄弟

宗親則與彼猪犬之屬與共一類造諸惡緣  
種地獄罪緣有善知識故便別有父母師長  
兄弟宗親是時世尊便說此偈

善知識非惡 親法非為食 將導於善路

此親最尊說

是故阿難勿復更說言善知識者是半梵行



人也爾時阿難從佛受教聞佛所說歡喜奉行  
聞如是一時佛在羅閱城耆闍崛山中與大  
比丘衆五百人俱是時釋提桓因從三十三  
天沒來至佛所頭面禮足在一面立白世尊  
言天及人民有何想念意念何所求佛告之曰  
世間流浪其性不同所趣各異想念非一天  
帝當知昔我無數阿僧祇劫亦生此念天及  
衆生之類意何所趣向爲求何願從彼劫至  
今日不見一人心共同者釋提桓因當知世  
間衆生起顛倒想無常計常想無樂計樂想  
無我有我想不淨有淨想正路有邪路想惡  
有福想福有惡想以此方便知衆生之類其

根難量性各異若當衆生盡同一想無若  
干想者九衆生居處則不可知亦難分別九  
衆生居神識所止亦復難明亦復不知有八  
大地獄畜生所趣亦復難知不別有地獄之  
苦不知有四姓之豪貴不知有阿湏倫所趣  
之道亦復不知三十三天設當盡共同一心  
者當如光音天以衆生若干種想念亦若干  
種是故知有九衆生居處九神所止處知有  
八大地獄三惡道至三十三天亦復如是以  
此方便知衆生之類其性不同所行各異是  
時釋提桓因白世尊言如來所說甚爲竒雅  
衆生之性其行不同想念各異以其衆生所



行不同故致有青黃白黑長短不均又且世  
尊諸天事煩猥欲還天上佛告釋提桓因曰  
宜知是時是時釋提桓因即從座起頭面禮  
足便退而去尔時釋提桓因聞佛所說歡喜

奉行

九止觀孔雀

繫縛法之本

病供養繫持

梵行若干想

增壹阿含經卷第四十


如

達觀下初耐耐奴代隱匿下力反媼媼下夷深奧

下於困悴下才掃箒下之九反又作浣洩胡

告反二臻側中莛莛菊楚俱反上二咽音煙

同反



轉鑄

展二同針

音 字

均 榜

反 决 筈

勻 下 上

甚 音 蒲

反 息 癡 庚

淺 反

錠 拷

音 音 掠

登 定 諒 上

一 音

音 考

略 下

音

輟



